

玄覽堂叢書續集

第二〇冊

0528539

9(5)(08)

0079





延平二王遺集



528539

民國37.2.7



春三月至雲謁牧叟師同孫愛世兄

遊劍門

大木

西山何其峻巉巖
暨穹蒼藤垂澗
易陟竹密徑微涼
烟對綠野秀春風
艸路香喬木倚高
峰流泉挂壁長仰
看仙岑碧俯視菜
花黃濤聲怡我情
松風吹我裳靜聞
天籟

發忽見林禽翔夕陽在西嶺白雲渡石梁
巘嶮爭峽岨青翠更蒼茫興盡方下山歸
鳥宿池傍

越旬日復同孫愛兄遊桃源澗

閒來涉林趣信步渡古原松柏夾道茂綠
葉方繁繁入林深幾許瞻盼無塵喧清氣
蕩胸臆心曠山無言行行過草廬瞻仰古人

園直上除荆棘攀援上桃源桃源何秀突風
清庶艸蕃仰見浮雲馳俯視危石蹲拭石尋舊
遊隱隱古跡存借問何朝題宋元遑湏論長嘯
激流泉層岫斷屐痕遐邇欣一覽錦繡羅江
村黃鳥飛以鳴天淨對溫溫遠色夕以麗落日
艷危墩顧盼何所之灑然滅塵根歸來忘所

歷明月上柴門

孟夏艸木長林泉多淑氣芳艸欣道側百
卉皆鬱蔚乘興快登臨好風襲我襟濯足流
下晴山綠轉深不見樵父過但聞牧童吟寺遠
忽聞鐘杳然入林際聲盪白雲飛誰能窺真諦
真諦不能窺好景聊相娛相娛能幾何景逝曾
斯須胡不自結束入洛索名姝

牧豎師評聲調清越不染俗氣少年得

此誠天才也

瞿給事許桃源上首曲折寫來如入畫
一結尤清絕次首瞻矚極高他日必為偉器
可為吾師得人慶

復臺即東都

開闢荆榛逐荷夷十年始克復先基

太師會兵積糧
于此出仕後為

紅毛荷蘭夷酋
弟揆一玉竊據

田橫尚有三千客如苦閒闕不忍離

出師討滿夷自瓜州至金陵

縞素臨江誓滅胡雄師十萬氣吞吳

擬并復吳試看

天塹投鞭渡不信中原不姓朱

晨起登山踏看遠近形勢

旭日東升萬壑明高林秋爽氣縱橫千峯無語
閒雲過瀑布湍飛繫我情

陳吏部逃難南來始知今上幸緬甸不勝

悲憤成功僻在一隅勢不及救抱罪千古矣

聞道吾皇賦式微哀哀二子首陽薇

痛惜瞿何三堵師前已殉節使有二人

在今日必不至此

頻年海島無消息四顧蒼茫淚自揮

天以艱危付吾儔一心一德賦同仇最憐忠孝兩難

盡每憶庭闈涕泗流

太師為滿首誘執迫成降再四思量終無兩全之美痛憤幾不欲生惟有血

戰直渡黃龍痛飲或可迎歸終養耳屈節汚身不為也

痛孝陵淪陷

元之

故國河山在孝陵秋州深寒雲自來去遙
望更傷心

滿酋使來有不登岼不易服之說憤而賦
之

王氣中原盡衣冠海外留雄圖終未已日
夕整戈矛

三月八日宴群公于東閣道及崇弘兩朝
事不勝痛恨溫周馬阮敗壞天下以
致今日胡禍蹈天而莫能遏也爰製數
章志亂離之由云爾

蕪京峩峩兮易水悠悠思宗御極兮大勢橫
流皇赫斯怒兮客魏虔劉閭堂剝盡兮
賢相旁求皇綱存正兮旁無贊助宸衷獨

斷之嘉猷敷王道之蕩蕩兮不剛而不柔
真勤政而愛民兮宜平治而垂旒何期厯
數之屯兮凶胡殺掠致民窮為流賊之由初
起撲滅兮易策易籌將相視如疥癬兮
勦撫之計不講求一任其東西馳突兮固位
卒歲而優游精神全注于缺之美惡兮賄
不足是憂情面多而擔當少兮九代之政不

修前育病賢悞國溫薛兮繼呂好貨庸懦
之陳周卒至寇虜交証兮猶交相蒙蔽而
勿置可否所呂縱成凶焰蹈天兮實群臣之
寡謀最可痛十七載聖皇兮苦身孤立而焦
愁竟遭千古未有之慘兮抱長恨于寇讎寡
人嗣位兮負志未酬每與群公道及兮傷悲
而涕淚難收將區區之愚忠直兮同心同德

賦同仇倘皇靈降鑒兮庶不我尤

又

鍾山魏魏兮長江洋洋聖安監國兮旋正位于
南京內首史閣部之忠懇兮外育黃靖國之
守危疆苟用人盡當其職兮豈徒繼東晉南
宋之遺芳胡乃置賢奸于不辨兮罷碩輔
而宵小用張付萬機于馬阮兮致寧南之倡

狂任四鎮之爭奪相殺兮不聞不問而刑賞無
章妙選之使出兮既酗酒而復作色荒慨
半壁之江南兮已日憲于危亡元首何昏昏兮
股肱弗良庶事之叢脞兮安得黎庶之安康
陳馬使北而無成兮竟延胡寇巨撤防謀
國育如是之乖刺兮俾腥羶泛瀾于四方
致黃唐之甬齒兮盡殲于而徬徨賢人

之不甘汚辱兮蹈東海而遠颺痛恨乎奸
諂遺害無窮兮迨今茲而強胡雲焰方長

与群公分地賦詩得京口

京口瓜洲指顧間春風綫度到鍾山迷離綠遍
江南地千里懷人去不還

讀張公煌言滿洲宮詞足徵其雜揉之實
李御史來東都又道數事乃續之

十二欄于月色鮮百花爛熳自逞妍昭陽殿

裏妝初罷喜道名王著意憐

胡酋初死妻不耐獨宿私于酋弟偽九王姦

聞王入宮欣悅倍常遍告宮娥阿監王格外愛憐之意

九王舊好漫相尋
林室沉沉月色侵
宮監忽驚見

故主頻聞悲怨到更深

王与偽后綢繆之際監等忽見故主
慘淡之容迴翔庭戶聞悲泣

聲傳言入内王后二人大怒責告者

元旦后王入廟門深宮寂靜祀祆神狂淫大像

巍巍立跪畢登盤裸體陳

胡俗元日黎明偽帝后入宮祀祆神宮在人不到處所供大

像男女相抱構精而立二人跪拜畢即裸體登盤如牲牢之式男左女右為監窺見併言于外始知其事真禽獸之惡習且首死弟蒸嫂代行此礼堂然稱父皇也

亭亭婉嫵蕙蘭花既帳承恩莫謾誇嚴詔忽頒

俾骨醉鐵牌前跪猶鞭撻

偽豫王冠江南掠得二婦一黃姓自留為妻一宋蕙湘獻

九五至屢之后聞大怒將宋婦截去手足眼耳鼻舌置甕中陳筵前親觀遂命偽相監立漢族婦女不得入宮鐵牌于宮門呼九五跪牌前大肆鞭撻王擔不再私婦女然已巫肉狼藉痛苦不堪矣

做行行重行行

昔與君別離楊柳綠依依
今我來相思兩雪已霏霏
歲月易如馳音書一何稀
相隔萬餘里何從知音
徽朝愁南浦雲暮驚孤雁飛
思君寢不寐皓月透素帟
中夜起躑躅白屋霜四圍
芳年度華月良人歸不歸

做迢迢牽牛星

皎皎明月光烈耿銀河涼牽牛為之阻
織女臣徬徨相隔復幾許欲渡河無梁舊
愁未能釋新思縈其腸玉淚和秋風盈盈
遙相望

做涉江采芙蓉

瓊蕊何峩峩鬱彼山之阿采采盈懷袖鬱
鬱思誰何悵望故閭里泠泠歸雲過歸雲不

寄音躑躅發悲歌

諭

諭忠振伯洪旭

先王功益寰區忠垂奕祀方擬整戈北伐平蕩
中原而疾疾弥留中道殂落孤子等號天泣
地哀慘莫名叔龍衣包藏禍心偽矯遺命自

稱護理椒擾彝倫蔑棄世子通款夷狄誠
大明之賊子斧鉞所必誅者也惟爾洪旭簡
自先王誠節昭著聞喪泣血屢陳祖訓孤
自闕然罔肯丕績然敬惠來旨義無有違
已于永歷 年 月 日嗣位于廈門爰整貔貅
恭行天罰命全斌等統率六師水陸並進肅
清東都孤為其過防絡繹繼路也第滿夷

聞之恐乘隙入寇其訓飭將士嚴為防範勿怠
俾孤無北顧之憂是所厚望此諭

諭東都群臣

皇明祖訓王薨世子嗣位親郡王至侯伯罔不
皆然三百年来未有變易廢長子而呂弟繼
者也先王不幸薨背世子當立想尔群工必明
斯義而叔襲矯作遺言迷誤朝野以亂大

倫臣逞逆志孤以至親之故未即進討屢陳訓
告冀其改過而凶志未離又幾由矣尔文武
等為所誘脅孤悉知之早日歸誠咸与維新
爵賞無替若執迷不悟自有國法在孤亦不敢私
也此諭

諭承天知府鄭省英

管蔡作難承天蕩析尔省英仁聲仁聞遐迩

咸知俾撫民生以安善類副寡人養民至意此諭

諭周全斌呈進兵方畧

東都險要惟恃安平尔全斌從先王征討有年
必諳悉地方情形今進兵當從何條港路登岸
速條陳方畧來看此諭

諭兵都事張宸

叔襲巽懦逆亂之謀皆起黃昭蕭拱宸三賊今

之所誅二人而已毋傷叔襲尔張宸其巨孤言布

告軍士人等知悉此諭

余十年前于友人處見延平王詩一章紅箋八行
書蒼勁句雄偉豪宕悲慨淋漓實肖王平生
真豪傑而忠孝聖賢也故東海夫子稱王三代下希
有人物每恨未錄存性健忘不能記得七月七日賀
表侄抱孫喜忽見新得舊冊中有斯一卷循讀
再三狂喜之極向之假歸靳弗与乃宿坐中徑寢
後急抄一通將書置原處而歸者求一首不可得今

嗣王詩亦在焉尤為希有何快如之雖祗十餘帛是
為希世珍時直忌諱文字獄繁興越半月表侄
忽來饒舌謂余抄此書呂害之余辨無有則堅稱書
僮目擊原本已付祝融索此冊去同付焚如拒之不能已
邀親友共保無事始恨恨而去復于東海夫子所見墨
諭附錄于後今呂氏已為灰燼諭亦毀滅幸存于此弗
致湮沒倘他日文網稍寬得以由傳俾後人得見真迹

六天之厚愛二賢王也所召巧于遇合轉展獲存真有神
靈呵護

黃石齋未刻稿



擬古

晚村呂留良集存



京洛有美人我不得見之飛思結幽閨良意誰能知
道路修且阻會面難預期安得牽女蘿託根長相
維婉彼蕙蘭花亭亭曜朝曦苟得完清質勿悲縑

素絲

宿甘露寺

古寺秋深蝙蝠飛
禪房寂寂老僧稀
徘徊廊牖看明月
月影霏微送我歸

春陰

花開花落雨沈沈
移置壘頭對酒吟
路遠客稀泥滑滑
折花無復惜花心

偕二侄遊桃源谷

春暮訪桃源桃源不知處
谷口杳無人花落隨波去
李給事赴淮餞于采石

萬里江潮瀉石頭年年送客
惹離愁長隄細柳千條
絲不繫行行浪裏舟

登平野樓雨後看山

樹杪重泉樹底流青山如洗
識新秋漁舟野渡斜陽
外牧笛一聲人倚樓

示賴趙二門人五律二首

八閩開行殿遺黎奉吾皇
微臣慚袞職老將怯戎行
晉室推陶祖宋家有岳張
同心靖國難僅得守南方
國事胡堪說吾君實聖明
韓彭無偉績富貴已
專城運策仰宸斷艱難屬老成
更兼兵餉匱何以

慰皇情

秋夜泊舟城外

痛哉言乎
崇弘朝諸
將均犯此
病

秋夜抑何長扁舟載酒行微風吹波起淺渚寒雲橫仰
視霜天高俯臨溪水清空林結陰氣靜夜聞鐘聲孤
月浪頭翻漁火江上明烟凝古寺暗野濶沙岸平瀟瀟
楓木下唧唧寒蟲鳴浩然起古思悵然動幽情徘徊
覺已久湛露已盈盈

秋日晚晴絮五侄孫同赴斜溪

雨餘巷口夕陽開水滴檐閒濕翠苔四面寒雲垂野

暗一聲長笛送秋來
青山紅樹清溪外
雨笠烟蓑江
水隈
三徑蒼茫橫碧嶂
池東明月照樓臺

宿陳學士園早起看花

看花春起早
山色淨無塵
曉樹初昇日
江村不見人
寒燈暗茅屋
殘月淡西鄰
露處聞啼鳥
街衢鼓報晨

松柏

青青陵上松
鬱鬱澗中栢
雖歷千萬古
不改蒼蒼色

懷竹堂太史作詩寄之

揮手長安去孤蓬萬里舟猿啼衡岳樹人語洞庭
秋孤雁幾時到寒江急水流遙思千里隔何以慰離愁
雲閒相國已罷攻者未已思挽救之

蟲聲唧唧繞闌干獨坐更深漏滴殘今夜愁思眠不得
蕭蕭風雨一燈寒

借三徑溪邊晚步

臨水人家水半扉
綠楊花撲釣魚磯
漁歌野渡隨風去
欸乃一聲人未歸

黃鶯時聽兩三聲
三徑春歸綠蔭成
指點水邊白雲塢
漁家對岸釣船橫

一天如畫水雲低
多少樓臺烟雨迷
着屐來尋沽酒處
綠楊村裏鶉姑啼

宿簡空空
中雨後口占

野竹隔牆綠
碧桃帶雨紅
晚來忽開霽
鳥鳴春澗中
登樓望前山
山光入窗綠
一夜山中雨
泉聲響山谷

過俞給諫墓有感而作

悵望郭北墓
風景何慘悽
青松日色薄
古樹寒鴉栖
慨彼陳死人
庶路彭殤齊
卒昔相遊從
半已入于泥
迨迨節物更
滔滔人代移
自古皆如斯
今人胡悲啼
欲求千壽

歲

見道之言
得未曾有

聖賢不能躋神仙
自靈妄佛氏亦無稽
但尋真樂處

勿為流俗迷

迷之原道四句為之

詠史宋高祖

鐵馬復樓船
雄畜展暮年
三秦空手定
九錫赤心傳
徐傅難為弼
營陽不像賢
悠悠六十載
業奪道成淵

陳後主

一氣揮洒
玉樹後庭花
淫聲唱麗華
豈知軍國許
已被孔張差
歌舞迷春夢
樓臺散彩霞
一朝王氣盡
江表例隋家

聽智度禪師講地藏經

不說一切法那知色相真莊嚴清淨界解脫涅槃人豈
曰果二字石
空一語道
呂空空妙須參種種因恍然成大悟明月證前身

雨後讀書山中

一番風雨一番晴暑氣炎炎頓覺清
斗室讀書千里
弱冠印吐
屬不凡
志將來藉以答昇平

一庭松石淨塵根雨後苔深認屐痕
回憶前人流

憇處遺書讀
羅暗銷魂

和徐大令納涼原韻

何處消長夏
乘涼郭外遊
清風延水閣
皓月徹山樓
信步領閒趣
高吟識早秋
羨君塵俗淨
樂此幾生修

感時

狂飈蕩神州
雄志奮蛟虯
高明不可恃
穉鬼多詭謀
樽酒方燕飲
肘腋起戈矛
釜魚啜其泣
井龍吟啾啾

一旦風雲變陵谷六遷流如此好江山白日難淹留白日
即淹留江山日以削悠悠忘歲月坐嘯復畫諾非不欲

雄飛滿朝盡蠶蝻非不念同裳窮閭苦搜索胡乃廟
堂算加賦備始作致多失業民驅彼黨跼蹐國事豈

易知幃幄資譚嘍吁嗟象蒼生由此遭劫掠肉食

奚能為蹲伏侶屈蠖君王棄弁髦山岳供咀嚼苟

漢斯為竟
思宗云有不
尚處

全性命耳那復戀京洛驚傳豕狼至狂奔猶隕

籜霹靂震一聲狐鼠駭且愕狐鼠安足論蛟龍
將何託哀哀大陸人喬木遷幽壑

雜詠史

當是弘光時作

奸邪乘隙
而人歷代
皆於一視
道破小人
情

狡童志罔極者碩言不揚忠謀再三擯旁晚益翱翔隨
煬廟諫士叔寶二昏荒讒佞矜得志元老嗟彷徨不于
江都宮頸血濺刀芒全無心肝人猶上封禪章
松柏摧為薪百艸競滋榮巖崖雖千仞既隍終當

傾溪業四百載桓靈肆縱橫麟鳳遊田野狐鼠盡公
卿未竟列肆樂遂來蚩尤兵豈知未央殿已樹當塗旌
彼哉公孫鞅一亂秦遺則如何王安石再紊宋舊式孝神
何昏昏容彼肆組織富強未見止群黎懷忒忒峩峩函
谷閉雄風震八極哀哀二世時匹夫求不得赫赫汴都
城威燄盪四域嗟嗟徽與欽青城復五國紛更曾幾
時苑枯集反側吾願戒後王勿愆忘舊德

滿逆入寇朝貴匿不上聞憤而賦之

小鬼猙獰大鬼猖萬民塗炭醜夷強明明天子悲孤立
衮衮公卿競利忙今日不思彌罅漏他年何必作提防
可收拾處須收拾莫使神州歎鹿亡

如聞杜鵑
聲之破

秋吟

孟秋涼氣至商風振北林殘蟬奮逸響寒蟲厲清
音庭中艷秋色塞外動寒砧節物易遷流對此愁

志安目舒

思深悠悠感物化躑躅發謳吟謳吟且奈何怡情耽
書琴常与古人稽素志其不淫

奉命祭禹陵將行寄示門人

此為世爵
劉北昭非
手蔽而
散

長松何奇崛騰雲勢盤鬱膏露獨占之蔭下
無植物世胄冠海內豪傑遺圭散時勢固當爾
非闕經世詘許史承先業門內咸簪紱馮唐豈凡
庸垂老終蠖屈

吾希博陸侯殿立如轉丸吾慕武鄉侯指揮定
偏安矢志如日月群疑不得干功勳光史乘經綸
濟忠肝懦夫為立志頑夫為心寒山豈等庸俗士
富貴蝕心端

諭意深遠
雙斧伐喬木灌溉離離苗風雨不時至寒山日蕭
條老臣賦歸田佞邪珥藻貂國事方叢棘窟室方
陶陶陶陶老臣淚醜虜愈嗟峨峩峩寶堪畏蹉

跼復蹉跎既占我田宅謾語復來呵厲吻耽耽視
齷齪贈駱駝卧榻容人斡屏息不敢哦寄栖巢暮燕
視作安樂窠肅肅鳴晨鐘誰肯同仇賦咄咄擊
暮鼓誰為衝冠怒樗櫟易樛柱顛倒馳而騫賢
傑歎途窮廊廟良不悟時勢已如斯大厦焉能支
昔崇松柏操今尚蒲柳姿魴魚尾已頽鳩鵲竟披

危詞
恍目

靡木落掀孤峯壤朽恐崩弛

戲臨雲林小幅寄牧全

短褐走京塵，大寫江南春。此畫將誰寄，桃源有故人。

與霞客遊焦山適患恙宿寺中

禪榻聯吟興不孤

金焦

前三年同遊

遊跡憶前無，此來空負

穿雲屐，取笑山靈兩病夫。

秋海棠

古鏡

惜陰碧血千年絲思婦遊魂八月春漫道嬌紅腸斷處殘
妝結佩也撩人

倪翰林贈竹石圖作詩報之

雲林畫石崛且奇磊磊落落橫山陂數竿綠竹鮮欲消一
叢香艸更華滋微風拂拂疑欲動宛如春雨潤新枝上
帙念臺上言絕末帙道鄰五言題懸之蓬壁塵俗淨配以

蘇楷余藏東坡
精楷卷

而相官故人三月不相見書言憶今乃相貽風

激厚意真誠執愧之瓊瑤答新詩近聞丹陛進正論但期
格君忘身危滿逆跳梁二十載豈甘自屈濟燃眉拓之不
來揮不去赫赫大節振四維從來直臣乏繪事公善丹青
自融怡每逢良友贈真迹俗士萬金不許窺落紙
如飛具八法世間那得有真知

赴官田別親友兼示白石

故交從我出山來一羈塵鞅便不迴庭州無人蟲蝕葉茅

齋零落賸蒼苔

緬懷幽薊三千里惆悵江東僅一春
幸遇少康光舊物
殘年豈敢惜餘身

六十年来事已非翻翻覆覆少生機
老臣拚盡一腔
血會看中興萬里歸

陛見後門下士毛生來作詩示之

先生忠悃
溢于言表

出山辭鶴侶軒冕奉新君
幸有八閩地綿延三百

春有懷惟國難告報在今辰急務誰先著尊皇
庇萬民

贈浮陽山人

幽人結廬南山麓掩卧雲峯最上層果熟茶香晴
送鶴白猿嘯舞繞疎藤

仙乎仙乎

白雲深護百年扉中有奇人暫息機悵恨未能
塵俗淨畢生事業竟成非

浙江道中遇雨

潭深冲澹

身世百年促江河萬里深
孤蓬連夜雨疎磬失空林
短髮銷遲暮高峯自古今
回頭成往事何日滌塵襟

春日有感
翠烟裊裊艸迷離
歲歲楊花逐客飛
悵望樓頭桃李艷
王孫有約幾曾歸

題林春庭先輩惠寄七律作以報之兼示路閣部

俞孝廉

東西南北路迷離窮窈佳人未可期
荒艸寒雲橫古渡
夕陽歸鳥繞疎枝
百年心事隨流水
四顧紙徊愴後
時舉首問天天不答
長歌去去欲何之

林氏訪韋隱士

碧嶂層層處士家
危樓斜倚赤城霞
故人走謁迷三徑
猿鶴深深路不差

半掩柴扉瑣白雲
深山黃鶴好為群
高人閉戶栽花艸
佳氣網緼盡馥芬

仙家惠許故人来
指點園亭辟草萊
異艸奇花如織錦
渾疑天女出新裁

依依共坐話平生
無限春風無限情
相對欣然忘俗慮
名花笑舞亦相迎

奇石嶙峋繞綠苔
一叢紫竹尚新栽
兒童遠捧盤

殮至試為先生傾綠醅

余不善飲今日甚欲成醉三杯後果醜而也

焚香灑掃講黃庭
激憲凝懷洗耳聽
杳杳沉沉深妙
首會心不覺已忘形

台入內廷面諭國事艱難群工須盡改崇弘時
陋習庶可光復舊物臣道周伏地痛哭內監掖
之起賜御詩一章恭和原韵呈進上慰宸衷

醜夷寇掠幾時休擾害民生二十秋

萬曆之末廷舊始反

豈有殘山

魄愁容立馬8更無剩水蕩扁船
君臣立志卑南宋8文武齊心
勦北酋人定勝天天降鑒乾坤
萬里剋時收

示路閣部

茫茫宇宙一浮漚萬里新秋繞郡樓
遠遠砧聲和野哭霏霏月色愈添愁
十年多難離鄉恨百鍊剛腸繞指柔
底事不堪回首說風風而雨滿皇州

玉局山人与余同硯席不相見者已三年遠

道贈梅詩以報之

一株梅蕊破初春
玉局山人贈故人
疎影婆娑如晤
對庭前皓月證前身

余望吏議霞客遣公子走長安來候并贈衣裘手書
遊紀四冊以慰寂寞感激無已

霞客先生世莫儔
名山萬里遍周遊
晨興東海穿雲
屐暮宿蒼梧載月舟
更惠奇書紀勝跡
遠遣稚

子慰窮愁追隨杖履應遲暮莫道長安一葉秋

讀遊紀知名山幽勝無奇不有不覺手舞足蹈

欣賞無已

奇人奇事
可稱雙絕

江陰霞客本飛仙謫降塵寰數十年絕壁探幽跨

鶴渡

偶臨絕壁愁不得過
鶴翔舞于側跨而過之

危崖古洞微蛇穿

洞中路有數小系殊暗不知
所適蛇行于前尾而隨之符

也奇境

玉床玉柱真神宅金鳳金龍伏路邊晨摩天各廳

愧歎餘人那得有奇緣

奇僧製腐追先生從此遊行四體輕荷葉

洞名先生入洞由樵牧皆

疑死在其中

深探樵牧怪蠟炬照耀

洞暗持火燭之

鬼神驚蛇行委

曲千条

暗洞中路不知凡幾莫適徑焉幸隨蛇望見似燭首始豁然不明

蟠首模糊一道明床窻厨

爐皆碧玉桃花樹下聽吹笙

洞中桃花萬樹忽聞吹笙三聲聲韻均異人世一奇

詩盡吟味及山幽
韻無音不覺
手執是認
子孫寶錄並韻林
或或暮莫與身
安一葉妹

蔡夫人未刻稿



石叢上長安詩以勗之

期望之深
勸忠之切
石叢為一
朔方風雪多音徽
日夜杳幸期匡顏
俗所冀伸懷
抱以此慰閨人寸心良為好
况乃百年中齒髮條

已皓幹國有幾時
忠直永為寶
桃李森成行園

林刪漫州他日詠歸來共訂言事橐

東鄰周蕙芳美而志潔采蓮曲陽池

盈盈二八東鄰女翠鬢覆雲鬟輕羅紵結伴姍來
采蓮花蓮花池畔清溽暑微風拂拂颺霞裙蘭
心寂寂渾延佇却恨誰家輕薄兒癡婢蕩漿笑
與語舉袖障面向荷叢綠蓋油油深葳霞冰姿皎
潔花見憐花憐薄媚香容與陳王老去少知音洛

浦神人在何許女心只期養親雙不羨當年金屋貯性女
孝嘗言能養雙親者即嫁之富貴貧窮所不計也

傷時

宋以下詩人無此驚句

秋風春雨度年年閱盡滄桑大可憐不道長安已往事那知宮禁複依然

魏閭詠滅聖主獨奮乾斷殊非易事群臣不能仰體上意淨其餘黨何也

滿夷跳梁有年仍未伏天誅群臣負國也

鐵馬西行滅燕支樓船南邁撻吳師聲靈赫濯

前無比今日胡為歎伏雌

在天聲情悲壯

閨怨

唐人
春風解凍怯輕寒
春思愁人徹
肺肝消息不曾來
入夢誰教明月照闌干

在空云音西弦外使人意消

宮怨

長安路上少人行
鈺鼓聲聲枕上驚
聞道遼陽
夷氛惡寒燈寂寂
雨淋鈴

速出關為
第一著

隆武紀元石叅授鉞專征作五律二首贈行

為國征戎狄行行速出關內廷斧鉞授玉殿寵恩
頒甲帳吟風遠凱歌指日還南疆盤石固差可慰天顏
大厦已傾危誠難一木支同心濟國事竭力固皇基白
水真人起黃龍痛飲期公今肩鉅任勿負九重知

班婕妤

回思昔日辭同輦詎料今朝守別宮漫道君王恩

愛絕妾顏依舊笑春風

石急云怨而不怒

月下賞秋海棠并簡坐贈六種名花

庭前皎潔月華濃
枝葉迷離花影重
忘却露寒貪看月
銀河催曉一聲鐘

擬古

孟冬氣閉塞而雪何飄飄
朔風增悵望寒山正嶮
嶢瑟瑟嶺上松歲寒日夜凋
客從遠方來遺我相

直
卷十九
有

思調調中竟何如好音殊寂寥
願增桑榆美慰妾
若芳朝

石魚云憂深思遠詩人之詩

春日倦繡并辭西園賞花約

春月春花出肝肺爛熳西園鬪艷姿
紅日丰窗人未起和風入戶鳥聲遲
收臨鸞鏡渾無語坐看蜂忙懶不支
欲繡鴛鴦情意倦魂隨蝶舞繞新枯

讀霞客遊紀

江北江南十萬峰
奇花瑤艸白雲封
徵君探遍幽玄
跡更侶山靈護
絕蹤
高風直繼張三丰
一杖飄然訪赤松
快把奇書遊紀讀
頓如甘露豁心胸

口占寄石壺

高山何磊磊
長江亦迢迢
人生弥局促
譬如露崇朝
仄仄鬱懷抱
鮮憂飲醇醪
華年不假易
駸駸髀肉消

長安浩如海濟濟多士朝逢迎欣得色金帶便橫腰加
賦困黎庶仗鉞縱天驕賢士發長歎浩氣干雲霄富
貴若浮雲終期令聞昭

窮居山中蓮素妹枉道過訪并道流離苦况

秋風昨夜入庭樹結茅臨水苗雲住晚鐘澹蕩逐烟飛牛
背斜陽橫古渡一葉扁舟天際來泊岸欣知是蓮素為
言司馬隱漳濱枉道過訪畝良晤呼童沽酒來何遲垂

楊鴉噪江村暮鄉僻市遠乏盤飧小園蔬菜姑薄具漫
將雞黍付卹厨離懷切切深長訴長安姚母學針繡餘
暇共習詩与賦武陵梅閣同硯席相携踏遍桃源路昔
何歡娛今何苦遭難流離更多故河陽驛道三子失懷
孟山坳雪中仆會逢舊僕得再生十句破廟悲流寓風號
夕烈不道
時聞殺掠聲血醒觸鼻更憂怖千言萬語說不盡相
情景歷
患難之餘
對哩哩淚霑露沈沈秋夜乃苦短月澹紗窗常若暗倦

景尤通有
他道未人
不能道

時絮絮猶泣聲魂夢頻驚而不遇醒時轉疑是耶非茫
然凝視始知誤二人零落叔餘身我今洗心亦覺悟替
師學士已殉節供佛一龕香一炷敬以一言告司馬漳州
已有滿賊成徐公屈節陳公死窮山猶是難暫駐掛
帆遠道延卒幕求賢有令宜速赴網羅豪傑箇中原
衣冠走謁咸呵護余當洗耳聽好音按劍一息蒼生怒眦床
閑瀉時何促哀哀復是別離苦相交不克長同居同居

想為造物妒髮晞齒豁會何期
重重山水隔雲霧臨行
兩泣不成聲千端萬緒難分付

秋暮感懷

片雲兀兀隔平林獨倚雕闌萬古心
遙望金陵王氣歇
更憐幽薊好音沉朝朝暮暮添愁恨
莽莽蒼蒼自古今
鬢影愈稀遲對鏡
窗前明月漫相侵

中秋後二日登小樓玩月

徙倚樓頭月色新襟懷澹泊更清真滿街皎潔千門
寂淨沈銀河萬里塵神物乃尔

七夕

烏鵲飛飛繞幾重橋填銀漢渡仙蹤早知一見便離
別何必年年此夕逢

織纖素手停機杼綽約仙郎春意穠今夕月光徧皎
潔分明相對泣清容

聞道今宵鵲亦忙佳期織女會牛郎
卻愁碧落橋填晚幾刻深情萬丈長
牽牛西北望華機織女東南跂玉徽
欲訴離情徒引領寸心繚亂繞瓊悰

一年一度會相逢華寢迷離意益濃
悵絕銀河填不滿回頭雲霧隔重重

佇望佳人月下容良宵不覺露華濃
若非河漢阻昵愛

羅帳深深夢幾重

華容艷艷祭雲霄
月滿羅裳態益嬌
望斷銀河魂欲絕
漫教涼夜鵲慎橋

春暮芳林園賞花

春意纏綿

庭院深深春日遲
沉香亭畔悄凝思
風吹飛絮鶯聲送
婢掃閒花蝶舞隨
翠柳凝烟迷遠樹
碧桃籠霧護新枝
遊蜂繚繞忙何侶
正是芳菲最好時

石空殉節未及從死慘酷縈懷益無聊賴偶吟

時事數律以舒憤痛

德祐沈淪日月昏牛羊腥臊漫乾坤干戈擾擾餘殘
夢徽蕨離離久斷魂欲問昊天縱醜類豈無豪
傑靖中原行人報道好消息續統新皇舊桂藩
永曆元年詔已頒黎民喜噪震人寰千群韃靼喪
魂魄三尺兒童盡笑顏萬里咸欣有共主一戎大定舊

河山行看褒節文明伯內殿謝恩預列班

共道龍顏表戴于大明共主萬年安巍巍瞿相今諸

葛赫赫何疾古岳韓江右胡虜無立足空山樵牧有餘

歡孝陵拜謁欣欣日命婦恭隨聖母鑾

笑慈岑溪輜重多甘心斷送破山河貪生贏得全家戮

獨賸蛾眉侍燕歌自顧頭顱應懊惱却看愛子慘

如何若將忠赤報今上首相身榮大節我

真女中冓
傑瞿何云
不愧如三詞

此何甚神也而時今之首時長若大明春

龍鼎以眉科並塔自願願隨願對對味自意新

矣然岑對辭重多甘心補並城山何食王肅對全宗燦

琳美刻拜高始如日命款恭到里毋憂

舊赫赫何氣古岳韓云古

并此請願亦獲千大即共主

此以時春夏時又即外內城據身則便

道光六年三月
購自金陵某者



外有補
味今請

(B)

083

0079-1

v.120

0528539

(B)
083
0079-1
v.120